

Туркиялик мәҳмонлар Хивани зиёрат қилди



Президент Шавкат Мирзиёев ва Президент Режеп Тайип Эрдоған Хивадаги Ичан қалъага ташриф буюрди.

Маълумки, икки етакчининг ҳам тарихга қизиқиши, ҳурмати баланд. Давлатимиз раҳбари Туркияга ташрифи чоғида Истанбулдаги Топқапи саройини бориб кўрган эди. Режеп Тайип Эрдоған илгари юртимизга келганида Бухорони зиёрат қилган.

Бу қалъа Марказий Осиёда сақланиб қолган бирдан-бир бутун бошли шаҳар-ёдгорликдир. Унинг «очиқ осмон остидаги музей» дея эътироф этилиши шундан. Бу ерда 120 дан зиёд меъморий обидалар бор.

Хива шаҳри 1990 йил 12 декабрда ЮНЕСКО Маданий мерос рўйхатига киритилган. 1997 йилда шаҳарнинг 2500 йиллик юбилейи нишонланган.

Бу узун тарих давомида Хива кўплаб туркий давлатларнинг маркази бўлган. У 2020 йилда Турксой халқаро ташкилоти томонидан Турк дунёсининг маданий пойтахти, деб эълон қилинган.

Шу жиҳатдан, Ўзбекистон ва Туркия Президентларининг бу қадими шаҳарга ташрифи катта маънога эга.

Мәҳмонлар Ичан қалъадаги Ота дарвоза, Кўк минора, Кўхна арк саройи ва мадрасалар, ҳунармандлик расталарини кўздан кечирди. Паҳлавон Маҳмуд мақбараси, Жума масжиди зиёрат қилинди.

Давлат раҳбарлари ҳунармандлар, сайёҳлар билан самимий суҳбатлашди.

Хоразмча қўшиқ ва рақслар ижроси барчага кўтаринки кайфият бахш этди.

Хиванинг давлатчилик ва илм-фан ривожида тутган ўрни, қадими обидалари ва санъати

туркиялик меҳмонларда катта таассурот қолдириди.





[Манба](#)